



nogorikito

wadah informasi anda

Bersih • Muafakat • Sejahtera

Edisi Khas Ramadan 2023

INISIATIF GURU-GURU TAKMIR NEGERI SEMBILAN



INOVASI, EKONOMI, PENDIDIKAN DAN DAKWAH; FOKUS UTAMA KERAJAAN NEGERI SEMBILAN

Golongan yang terlibat dengan pengurusan institusi Agama Islam dihargai peranan mereka memartabatkan syiar Islam di Negeri Sembilan

› Baca selanjutnya di halaman 2, 3 dan 4



BANGUNAN BAHRU JHEAINS
KUALA PILAH BERI IMPAK BESAR

› Halaman 6



TUJUH PROJEK JALANRAYA
BAHRU DI NEGERI SEMBILAN

› Halaman 13



15 BUAH MASJID BAHRU
UNTUK NEGERI SEMBILAN

› Halaman 20

Inovasi, ekonomi, pendidikan dan dakwah; fokus utama Kerajaan Negeri Sembilan

Pada Mei tahun 2022, Pengarah Jabatan Agama Islam Negeri Sembilan (JHEAINS), Dato' Mohd Zaidi Ramli berkongsi 21 pembaharuan yang telah dilakukan oleh JHEAINS dalam usaha memperkasaan institusi agama Islam.

Kini sudah hampir setahun, Nogori Kito sekali lagi menemuramah Dato' Mohd Zaidi bagi mendapatkan maklumat baharu tentang pembaharuan yang telah dan sedang dilakukan oleh JHEAINS untuk dikongsi bersama pembaca Nogori Kito.

Ikuti wawancara khas Nogori Kito bersama Dato' Mohd Zaidi sempena Edisi Khas Ramadhan.

SELAIN 21 PEMBAHARUAN YANG DATO' PERNAH KONGSI SEBELUMINI, APAKAH PEMBAHARUAN LAIN YANG JHEAINS TELAH DAN SEDANG LAKSANAKAN?

Kita terus mengorak langkah untuk perkasaan lagi peranan JHEAINS. JHEAINS adalah satu agensi yang terlibat terus dengan masyarakat. JHEAINS ubah cara operasi. Keseluruhan bahagian berperanan operasi dari rumah ke rumah.

Pada tahun 2022, sebanyak 6,000 keluarga atau rumah telah diziarahi. Di situ kita kenal pasti keperluan masyarakat iaitu aspek ilmu dan kebajikan. Sebab itu reputasi JHEAINS lebih dilihat positif oleh masyarakat.

Beberapa kemudahan infrastruktur telah diluluskan oleh Kerajaan Negeri seperti pembinaan bangunan baru Kompleks JHEAINS Daerah Kuala Pilah dengan kos RM5.3 juta.

Bangunan baru Pejabat Agama Islam Port Dickson berharga RM6 juta

Alhamdulillah, tidak lama lagi akan bermula kerja-kerja pembinaan Pejabat Agama Islam Daerah Port Dickson dengan kos RM6 juta di tapak seluas enam ekar.

Ini adalah satu lagi mercu tanda Islam di Port Dickson. Selama ini Pejabat Agama Islam Daerah Port Dickson berada dalam keadaan amat daif.



Selain itu kita juga sentiasa merancang dan melaksana aktiviti lain dan perkara yang boleh mengangkat reputasi JHEAINS.

JHEAINS cipta inovasi

Tahun ini kita juga mensasarkan lebih banyak inovasi dari segi pentadbiran dan pengurusan agama Islam; walau-pun tahun lalu JHEAINS telah membolot empat Anugerah Inovasi Negeri Sembilan.

Ini termasuk menang Anugerah Inovasi Terbaik, Naib Johan Ciptaan Baharu dan Johan Kategori Penambahbaikan. Dahulu agak asing sangat jabatan agama dalam inovasi.

Sebenarnya JHEAINS ada buat pertandingan inovasi secara dalaman, contohnya dalam aspek pengurusan.

Mesin prototype kiraan jemaah sedang dibangunkan

Bagi pengumpulan data, kita telah bangunkan mesin prototype kiraan jemaah masjid. Kita akan dapat Live Data. Solat Zohor di sebuah masjid pada sekian haribulan, berapa orang jemaah yang masuk. Usaha inovasi ini selaras dengan pelan tindakan peningkatan jemaah masjid menjelang tahun 2025 bagi

meningkatkan kadar jemaah di masjid.

Ada pelbagai strategi. Masjid diberi peranan yang penting. Kita akan bangunkan mesin prototype yang akan dipasang di masjid-masjid. Kita juga sedang bangunkan Apps (aplikasi) untuk sistem tersebut. Insyah Allah Menteri Besar, YAB Dato' Seri Aminuddin Harun sendiri dapat tengok Live Data nanti menerusi Apps di telefon bimbit beliau.

Sekarang mesin prototype ini sedang diuji keberkesannya di dua atau tiga buah masjid.

Kaedah penyembelihan diinovasi

Kaedah penyembelihan pun sekarang ini iaitu kandang sembelih telah diinovasikan. Dulu sembelih perlu tali yang banyak, orang yang ramai, masa yang panjang.

Kini JHEAINS telah memperkenalkan kaedah sembelih dengan sebuah peralatan yang dipanggil TREVIS. Ini satu kaedah sembelih yang senang, tidak perlu ramai orang dan proses sembelihan lebih cepat.

Ekonomi umat Islam diperkasakan

Alhamdulillah kita juga meneruskan usaha bagi aspek pembangunan ekonomi umat Islam. Oleh kerana JHEAINS meneruskan Persijilan Halal Malaysia, maka kita telah pun mendapat kepercayaan Kerajaan Negeri untuk membangunkan usahawan kecil Kotej.

Matlamat kita adalah untuk lahirkan usahawan Kotej yang mendapat Sijil Halal Malaysia. Sebab kita tahu bawa usahawan kecil ini mampu tambah pendapatan berkali ganda apabila mereka mendapat piawaian yang diiktiraf oleh dunia iaitu Sijil Halal Malaysia.

Ini ternyata kalau kita lihat 102 pengusaha Kotej Halal pada tahun lalu berjaya meningkatkan pendapatan dan saiz pasaran mereka. Pada tahun 2022, Kerajaan Negeri memperuntukkan RM500 ribu untuk meneruskan usaha kita melahirkan pengusaha Kotej Halal di Negeri Sembilan.

Sebenarnya Kotej Halal ini atau usahawan home base ini mempunyai peluang yang lebih banyak. Kalau kita lihat industri hotel di Negeri Sembilan, banyak yang memohon Sijil Halal dari JHEAINS.

Mereka memerlukan pengusaha kecil membekalkan pelbagai jenis makanan seperti kuih tradisional. Justeru itu, JHEAINS mempelawa usahawan kecil yang membuat kuih muih ini terlibat dalam Kotej Halal. Sebab itu dana RM500 ribu diperuntukkan oleh Kerajaan Negeri.

Cara Kerajaan Negeri iktiraf golongan Tahfiz

Selain itu JHEAINS menawarkan biasiswa penuh kepada pelajar di ITQAN Gemencheh yang juga merupakan sumbangan daripada Majlis Agama Islam Negeri Sembilan. Kita telah memulakan usaha menaja pelajar. Sebab itu di ITQAN dicadangkan pengambilan pelajar daripada aliran SPM Tahfiz.

Mereka mestilah hafal 30 juzuk dan ditawarkan biasiswa penuh dan tak perlu bayar yuran. Kita juga beri duit poket RM200 sebulan serta makan dan minum secara percuma.

Kita juga telah meningkatkan jumlah peserta Insentif ISBAT Galakan Hafazan Negeri Sembilan (ISBAT). Peserta yang telah menghafaz Al-Quran dan mengekalkan bacaan diberi eluan bulanan RM1,000 .

Mereka kena kekal hafal Al-Quran. Ada prosesnya, temuduga semakan enam bulan sekali. Sekiranya layak, kita bagi eluan RM1,000 sebulan. Mereka juga melibatkan diri dalam aktiviti kemas-yarakatan khususnya pengajian Al-Qu-ran. Ini cara Kerajaan Negeri mengiktiraf golongan Tahfiz di Negeri Sembilan.

Lebih menarik JHEAINS cuba menggarap keseluruhan kekuatan umat Islam. Maknanya bagi memanfaatkan setiap kepakaran umat Islam, JHEAINS tak malu untuk bekerjasama.

Contohnya untuk Qari dan Qariah Negeri Sembilan, kita ambil guru vokal dan penyanyi, Dato' Syafinaz Selamat se-

**Sektor pendidikan Islam ditingkatkan**

Selain itu JHEAINS juga berterusan berusaha meningkatkan sektor pendidikan. Bangunan baharu Maahad Ahmadi di Gemencheh berharga RM13 juta sedang rancak dalam pembinaan, ini termasuk kemudahan asrama pelajar, dewan makan dan surau. Kita ingin letakkan Maahad Ahmadi sebagai peneraju dalam Bahasa Arab. Pelajar Maahad Ahmadi aktif bertutur dalam Bahasa Arab. Budaya berbahasa Arab di Maahad Ahmadi adalah fokus penting Kerajaan Negeri.

Kita juga mahu naik taraf peranan koperasi sekolah dan bukan sekadar menjual buku dan alat tulis untuk pelajar. Kita mahu memberi pendedahan tentang ilmu keusahawanan kepada pelajar sekolah agama.

Justeru itu, Kerajaan Negeri telah memberi kelulusan kepada Koperasi Maahad Ahmadi Gemencheh bagi menjalankan perniagaan membekalkan makanan kepada pelajar asrama sekolah. Maka koperasi sekolah boleh maju dan Maahad Ahmadi akan pelopori usaha ini.

Kepakaran umat Islam dimanfaatkan

JHEAINS sentiasa meneroka usaha-usaha dakwah baharu dan aktif dalam media sosial seperti Tik Tok. Pelbagai pesanan dakwah disalurkan menerusi medium Tik Tok.

bagai orang yang pakar dalam ilmu penafasan dan vokal.

Beliau setuju membantu kita. Bakat yang ada pada beliau telah meningkatkan kemahiran penafasan Qari dan Qariah kita. Mudah-mudahan dalam pertandingan Tilawah Al-Quran nanti, Negeri Sembilan menang di peringkat kebangsaan dan antarabangsa.

Tak kira status tahap kefahaman keislaman mereka, tapi apa yang penting ialah JHEAINS hendak setiap umat Islam berikan sumbangan kepada perkembangan agama Islam dan kualiti umat Islam.

Terima kasih Kerajaan Negeri

Terima kasih kepada Kerajaan Negeri yang sudi memberi sebuah lagi bas baharu kepada JHEAINS. Bas dengan kapasiti penumpang 25 orang ini dilengkapi dengan TV LCD dan WIFI. Bas ini digunakan untuk berdakwah secara santai dalam perjalanan dengan tayangan video.

Insya Allah hujung tahun ini Maahad Ahmadi juga akan memiliki sebuah bas baharu. Seluruh kemudahan ini melonjakkan lagi peranan dalam masyarakat. Kita berusaha segigih mungkin untuk ketengah bersama dengan masyarakat, supaya mereka juga merasai sumbangan daripada JHEAINS.

SEPANJANG PENTADBIRAN KERAJAAN NEGERI DARIPADA MEI 2018 SEHINGGA HARI INI; MENTERI BESAR, YAB DATO' SERI AMIUNUDDIN HARUN TELAH MENGUMUMKAN PELBAGAI KENAIKAN ELAUN DAN INSENTIF KEPADA GOLONGAN YANG TERLIBAT DENGAN PENGURUSAN INSTITUSI AGAMA ISLAM DI NEGERI SEMBILAN.

BAGAIMANA DATO' MELIHAT INISIATIF DAN INSENTIF INI MEMBANTU PEMBANGUNAN INSTITUSI ISLAM DI NEGERI SEMBILAN?

Sebenarnya semua kenaikan elauan dan pemberian insentif ini sedikit sebanyak membantu kehidupan masyarakat.

Guru KAFA dan Guru Takmir menerima peningkatan elauan RM50 sebulan. Kalau setahun RM600 dan kadang-kadang amaun ini lebih banyak daripada bonus kakitangan kerajaan.

Elaun Guru KAFA telah ditingkatkan daripada RM1,000 kepada RM1,050 sebulan sejak 2019. Guru Takmir menerima kenaikan elauan daripada RM900 kepada RM950 sebulan.

Elaun Bilal daripada RM200 kepada RM500 sebulan (kenaikan RM300 sebulan). Elauan Siak daripada RM200 kepada RM450 sebulan (kenaikan RM250 sebulan). Elauan Pembantu Am Wanita daripada RM150 kepada RM400 sebulan (Kenakan RM250).

Kenaikan elauan Bilal RM3,600 setahun

Sebagai contoh, Bilal menerima kenaikan RM300 sebulan, kalau dihitung setahun jumlahnya RM3,600. Ini satu sumbangan yang besar daripada Kerajaan Negeri.

Siak di kawasan bandar lazimnya ada pekerjaan tetap. Kalau Siak di kampung kebiasaannya warga emas. Apabila Siak di kampung menerima pendapatan tambahan RM250 sebulan menjadikan elauan bulanan RM450, maka saya rasa

ianya amat membantu. Lebih-lebih lagi kalau isterinya Pembantu Am Wanita. Kenaikan RM250 bagi seorang wanita di kampung, meringankan beban kos sara hidup.

Penggali Kubur dihargai



Di Negeri Sembilan kita juga beri sumbangan one-off RM1,000 kepada 909 penggali kubur yang berdaftar dengan JHEAINS. Lazimnya penggali kubur hanya dikenali apabila ada kematian. Ini satu usaha Kerajaan Negeri mengiktiraf golongan penggali kubur.

SEDIA MAKLUM PEJABAT LAMA JHEAINS AGAK SEMPIT. KINI PEJABAT BAHARU JHEAINS LEBIH LUAS. BAGAIMANA IA MEMBANTU PENTADBIRAN DAN SISTEM PERKHIDMATAN JHEAINS

Ruang bekerja perkara yang sangat penting. Di pejabat lama kadang-kadang saya tak boleh melihat pegawai kerana di atas meja dipenuhi dengan fail. Kedudukan dan ruang kerja yang sempit.

Alahamdlillah dalam tempoh satu tahun selepas saya di lantik Pengarah JHEAINS, kita telah menyewa bangunan baharu ini daripada Majlis Bandaraya Seremban.

Sebelum ini ada sebahagian unit menyewa di premis MARA, Medan Rahang dan kakitangan duduk dalam premis yang berasingan. Sekarang ini semua kakitangan telah dipusatkan dalam satu pejabat. Secara langsung masyarakat mendapat perkhidmatan yang lebih baik kerana ianya lebih mudah untuk berurus dalam satu pejabat.

BAGAIMANA DATO' MELIHAT YAB DATO' SERI AMINUDDIN MEMBANTU JHEAINS DALAM USAHA PEMBANGUNAN ISLAM DI NEGERI SEMBILAN?

Saya amat berterima kasih kepada Menteri Besar (MB), YAB Datu' Seri Aminuddin Harun. Saya sangat berbesar hati dan selesa bekerja dengan MB.

YAB Datu' Seri Aminuddin seorang pemimpin yang tidak pernah tidak hargai sebarang pembaharuan atau idea yang diperkenalkan oleh warga kerja JHEAINS.

Kita akan fikirkan strategi paling baik kepada masyarakat. Saban tahun dalam bajet, inisiatif untuk agama Islam tidak pernah tidak ada.


Menteri Besar rajin ke masjid

Beliau seorang MB yang komited dalam perkembangan agama Islam, dalam aspek pendidikan dan rajin ke masjid.

Kadang-kadang saya sendiri dapat laporan masjid daripada MB: "Dato' Zaidi masjid sini tak ramai orang".

MB rajin beri laporan kepada saya. Ini meningkatkan lagi moral kita untuk bekerja. Kesudian MB menilai dan memimbang idea-idea pegawai menyebabkan JHEAINS semain baik sekarang ini.

Saya bukan memuji tetapi realitinya begitu.



Raikan Ramadan Dengan
Keberkatan

ZAKAT HARTA & FITRAH | www.zakatns2u.biz @majlisagamaislamns



Syukur elaun Bilal dinaikkan kepada RM500

SEREMBAN: Rata-rata bilal masjid dan surau yang ditemuramah Nogori Kito menzahirkan rasa syukur dan berterima kasih kepada Menteri Besar Negeri Negeri Sembilan, YAB Dato' Seri Aminuddin Harun di atas kenaikan elaun.



Zainuddin Hambari

Encik Zainuddin Hambari, 71, yang berkhidmat sebagai bilal selama 30 tahun di Masjid Taman Rasa Sayang berkata, pada mula beliau menjadi bilal elaun yang diterima hanya sebanyak RM150.

"Namun, setelah YAB Dato' Seri Aminuddin Harun menjadi Menteri Besar Negeri Sembilan, beliau telah menambah elaun bilal menjadi RM500 sebulan."

"Apabila bilal dinaikkan elaun, makin ra-

mai orang yang memohon untuk menjadi bilal tidak seperti dahulu tidak ada yang peduli.

"Terima kasih kepada Menteri Besar, Kerajaan Negeri, Jabatan Hal Ehwal Agama Islam (JHEAINS) dan pihak masjid yang menghargai pengorbanan kami," kata Zainuddin.



Othman Derahman

Bilal Masjid Taman Seremban Jaya, Encik Othman Derahman, 68, pula berkata, selama lapan tahun beliau menjadi bilal, elaun bulanan yang diterima hanya RM200 sahaja.

"Alhamdulillah pada tahun 2019, Dato' Seri Aminuddin telah menaikkan elaun Bilal menjadi RM500 sebulan."

"Saya amat bersyukur kepada Allah dan berterima kasih kepada Menteri Besar Negeri Sembilan.

"Kenaikan elaun ini dapat membantu saya dan isteri saya bagi menampung perbelanjaan bulanan," ujar Othman.



Mohd Romzi Mohamad Yaacob

Encik Mohd Romzi Mohamad Yaacob, 55, bertugas sebagai Bilal di Masjid Kampung LBJ, Labu sejak enam tahun lepas.

"Saya pada asalnya menerima elaun RM200 sebulan."

"Alhamdulillah Menteri Besar yang baharu, Dato' Seri Aminuddin telah menaikkan elaun Bilal kepada RM500 sebulan," ujarnya.

Siak hargai kenaikan elaun daripada RM200 kepada RM450

SEREMBAN: Encik Al-Sallam Mohd Noor, 40, yang bertugas sebagai Siak di Masjid Paroi Jaya mengatakan bahawa kenaikan elaun menerusi Bajet 2019 Negeri Sembilan merupakan satu penghargaan kepada Siak.

"Saya sangat bersyukur di atas kenaikan elaun daripada RM200 kepada RM450 sebulan, iaitu kenaikan RM250 sebulan."

"Saya amat berterima kasih kepada Menteri Besar Negeri Sembilan, YAB Dato' Seri Aminuddin Harun, Kerajaan Negeri dan juga Jabatan Hal Ehwal Agama Islam Negeri Sembilan (JHEAINS)."

"Beliau (Aminuddin) rajin hadir ke Masjid Paroi Jaya dan banyak membantu



Al-Sallam Mohd Noor

menyelesaikan masalah yang dihadapi pihak masjid.

"Sebagai contoh, sebelum ini kawasan parkir mudah dinaiki air apabila hujan, beliau sendiri yang melihat keadaan itu dan terus berjumpa dengan pihak pengurusan masjid bagi membaiki longkang tersebut."

"Banyak bantuan yang diberikan oleh beliau dan saya amat menghargainya," kata Al-Sallam.

Ahmad Aizuddin, 31, yang bertugas sebagai Siak di Masjid Ulu Beranang turut mengucapkan terima kasih kepada Kerajaan Negeri dan Aminuddin di atas kenaikan elaun siak daripada RM200 kepada RM450 sebulan.

Bangunan baharu JHEAINS Kuala Pilah beri impak besar kepada syiar Islam



Kompleks JHEAINS Kuala Pilah yang baharu beri keselesaan kepada pegawai dan orang awam.

Pegawai Agama Islam Daerah Kuala Pilah, Encik Mohd Raizalani Mohd Rais, 49, berkata, dengan terbinanya Kompleks Jabatan Hal Ehwal Agama Islam Negeri Sembilan (JHEAINS), Daerah Kuala Pilah, secara tidak langsung dapat meningkatkan syiar agama Islam di Daerah Kuala Pilah.

"Bangunan baharu berharga RM5.3 juta ini beri satu impak yang sangat besar kepada sistem penyampaian perkhidmatan terutamanya hal ehwal agama Islam dan juga mudah dari sudut kolaborasi dengan agensi kerajaan yang lain."

"Sebelum ini Pejabat Agama Islam Daerah (PAID) Kuala Pilah beroperasi di Kompleks Pentadbiran Daerah Kuala Pilah.

"Kami berkongsi premis dengan Pejabat Daerah Kuala Pilah, JKR Daerah Kuala Pilah, Pejabat Hutan Daerah Kuala Pilah dan lain-lain," ujar Mohd Raizalani.

Pejabat lama sempit

Menurut Mohd Raizalani, kekangan yang berlaku di PAID Kuala Pilah sebelum ini

ialah dari segi kesempitan ruang pejabat.

"Kakitangan seramai 40 orang dan ini menimbulkan kesulitan termasuk kedudukan kakitangan, kerusi, meja, komputer, peralatan pejabat dan laluan.

"Laluan di Kompleks Pentadbiran Daerah Kuala Pilah agak sempit. Kami terpaksa berada (beroperasi) di dua blok iaitu Blok A dan Blok B.

"Itu pun menimbulkan sedikit kesukaran dalam sistem penyampaian perkhidmatan apabila kedudukan berasingan dan bukan dalam satu premis yang sama," jelas Mohd Raizalani.

Sistem penyampaian perkhidmatan sangat efisyen

Mohd Raizalani berkata, bangunan baharu dua tingkat ini tidak sesak dan sangat selesa dari segi kedudukan kakitangan, unit pentadbiran dan urusan klien. Klien boleh berurus di kaunter masing-masing dengan siri perbincangan

yang lebih selesa dan ada kerahsiaan.

"Contohnya sesi kaunseling (runding-cara) di pejabat lama, pelanggan yang datang terpaksa melalui pejabat yang sempit. Kakitangan atau klien yang ada urusan di unit lain boleh mendengar perbualan tersebut. Keadaan agak bising dan tiada kerahsiaan.

"Sekarang di pejabat baharu, terdapat ruang atau kaunter khas untuk setiap unit.

"Klien boleh pergi terus ke unit tersebut tanpa melalui atau berjumpa kakitangan yang tak berkenaan. Tak ada rasa segan atau takut untuk berbincang dalam sesi kaunseling kerana ada privacy."

"Jelas terdapat peningkatan yang ketara dari segi efisyen dan keberkesanannya dalam sistem penyampaian perkhidmatan di bangunan baharu ini," jelas Mohd Raizalani.

Kakitangan seronok untuk bekerja

Mohd Raizalani juga menjelaskan, kakitangan di bawah beliau kini lebih selesa dan seronok untuk bekerja.

"Sekarang kakitangan Gred 22 dan ke atas dah ada bilik pejabat sendiri dengan penghawa dingin."

"Dulu kakitangan Gred 11, Gred 19, Gred 22 dan Gred 26 terpaksa bercampur dalam satu ruang pejabat yang sempit."

"Saya sebagai ketua jabatan sangat mengambil berat tentang kakitangan dan saya akan pergi jumpa staf saya."

"Sekarang saya nak bincang pun sangat mudah sebab ada privacy. Kalau dulu staf lain boleh dengar apa yang saya cakap," ujar Mohd Raizalani.

Kemudahan di JHEAINS Kuala Pilah dimanfaatkan sepenuhnya

Mohd Raizalani berkata, pemasutan pentadbiran juga semakin mudah dengan kemudahan di bangunan baharu ini.

"Dulu di pejabat yang lama, kami tak berani panggil kumpulan yang ramai untuk mesyuarat."

"Sekarang kalau nak jumpa Ahli Jawatankuasa (AJK) Masjid, boleh panggil keseluruhan 13 AJK. Sebab kita dah ada bilik mesyuarat yang besar dengan kemudahan sistem PA yang lengkap."

"Kita juga ada dewan serbaguna yang boleh menempatkan 80 orang, sekiranya hendak buat latihan bersiri."



Bangunan baharu ini dapat meningkatkan sistem perkhidmatan yang lebih efisyen, Encik Mohd Raizalani Mohd Rais, Pegawai Agama Islam Daerah Kuala Pilah.

"Malah ada jabatan kerajaan seperti Pejabat Kesihatan Daerah Kuala Pilah dan Pejabat Daerah Kuala Pilah juga pernah menggunakan kemudahan bilik mesyuarat di Kompleks JHEAINS Daerah Kuala Pilah."

"Jadi ini satu kemudahan yang dimanfaatkan oleh agensi kerajaan yang lain bila ada Kompleks JHEAINS Daerah Kuala Pilah yang baharu ini," jelas Mohd Raizalani.

Kerajaan Negeri peruntuk RM5.3 juta bina bangunan baharu

Mohd Raizalani mengucapkan setinggi-tinggi penghargaan dan jutaan ter-

ima kasih kepada Menteri Besar Negeri Sembilan, YAB Dato' Seri Aminudin Harun di atas keprihatinan dan sikap tangungjawabnya di atas terbinanya Kompleks JHEAINS Daerah Kuala Pilah.

"Pejabat baharu ini beroperasi sejak 5 Disember 2022. Kerajaan Negeri Sembilan di bawah pentadbiran Dato' Seri Aminuddin amat prihatin dan akhirnya Kompleks JHEAINS Kuala Pilah ini didirikan di kawasan seluas tiga ekar dengan kos pembinaan RM5.3 juta."

"Walaupun terdapat kekangan selama dua tahun akibat tempoh Perintah Kawalan Pergerakan (PKP) sejak tahun 2019, dengan izin Allah bangunan baharu ini dapat didirikan dengan jayanya."

"Kemudahan di pejabat ini sangat berguna dan beri keselesaan kepada kakitangan JHEAINS Kuala Pilah termasuk seluruh masyarakat Islam Kuala Pilah yang berurusan dengan JHEAINS Kuala Pilah."

"Daripada maklum balas yang kami dapat, masyarakat Islam di Daerah Kuala Pilah ini amat berpuas hati dan merasa bangga di atas kejayaan Kerajaan Negeri di bawah Dato' Seri Aminuddin," ulas Mohd Raizalani lagi.

Kompleks JHEAINS Kuala Pilah mempunyai tujuh unit iaitu Unit Pentadbiran dan Kewangan; Unit Pengurusan Masjid dan Surau; Unit Dakwah; Unit Penguatkuasaan; Unit Nikah, Cerai dan Rujuk; Unit Rundingcara dan Unit Pendidikan (KAFA).

Setiap tahun institusi tafiz dan madrasah terima suntikan dana daripada Aminuddin

SEREMBAN: Setiap tahun Menteri Besar Negeri Sembilan, YAB Dato' Seri Aminuddin Harun tidak pernah lupa untuk memasukkan dana bagi institusi tafiz dan pondok di negeri ini dalam pembentangan Bajet.

Wakil dan Ahli Jawatankuasa Persatuan Tahfiz dan Pondok Negeri Sembilan (PINTA), Encik Azhar Shaharudin berkata, saban tahun institusi tafiz menerima dana daripada Menteri Besar.

"Beliau pernah berkata akan memastikan peruntukan dana bagi institusi tafiz dimasukkan sebagai salah satu agenda di dalam belanjawan negeri."

"Kita dapat melihat bahawa beliau merupakan seorang yang berpegang pada kata-katanya. Setiap tahun ada peruntukan bagi institusi tafiz."

"Pada tahun lalu, institusi tafiz dan madrasah telah menerima dana sebanyak RM710,000."

"Insentif yang diberikan ini dapat membantu untuk meringankan beban institusi tafiz daripada segi kos operasian dan aktiviti madrasah."

"Sumbangan ini juga membantu pihak tafiz untuk menjalankan aktiviti bersama penduduk tempatan."

"Terima kasih kepada Menteri Besar Negeri Sembilan, YAB Dato' Seri Aminuddin Harun dan Kerajaan Negeri di atas sumbangan ini," kata Encik Azhar.

Semoga Allah beri kebaikan kepada Aminuddin: GURU TAKMIR

Guru Takmir di Negeri Sembilan menyifatkan kenaikan elauan daripada RM900 kepada RM950 sebulan merupakan satu perkara yang cukup berharga.

Encik Ahmad Azhari Talib, 58, dari Seremban yang berkhidmat sebagai Guru Takmir selama lapan tahun menyifatkan kenaikan elauan RM50 sebulan sebagai satu pengiktirafan kepada Guru Takmir.

"Kenaikan RM50 ini menjadikan elauan Guru Takmir RM950 sebulan.

"Ini satu perkara yang cukup berharga dan cukup besar

kepada kami.

"Kenaikan ini juga satu penghargaan dan pengiktirafan kepada Guru Takmir daripada Kerajaan Negeri.

"Mudah-mudahan sumbangan ini memberi impak yang besar kepada rakyat Negeri Sembilan," kata Ahmad Azhari.

Ahmad Azhari berkata, bagi pihak Guru Takmir beliau merakamkan penghargaan kepada Menteri Besar Negeri Sembilan, YAB Dato' Seri Aminuddin Harun.

"Setinggi-tinggi penghar-



gaan kepada Dato' Seri Aminuddin (Tok Min) di atas sumbangan ini.

"Mudah-mudahan Allah beri kebaikan kepada Tok Min dan

kepimpinan beliau, di masa ini dan di masa-masa akan datang," ujar Ahmad Azhari lagi.

GURU TAKMIR: Bukan nilai kenaikan elauun, tapi penghargaan lebih penting

Guru Takmir yang diwawancara Nogori Kito merasakan diri mereka dihargai apabila Menteri Besar Negeri Sembilan, YAB Dato' Seri Aminuddin Harun mengumumkan kenaikan elauan daripada RM900 kepada RM950 sebulan.



Encik Samsuri Ayub, 56, dari Seremban yang bertugas sebagai Guru Takmir sejak 10 tahun lalu berkata, kenaikan elauun RM50 sebulan bermula tahun 2021 sedikit sebanyak meringankan kos sara hidup.

"Kenaikan RM50 sebulan kalau dihitung untuk jangka masa panjang RM600 setahun."

"Syukur kepada Allah dan syukur kepada Kerajaan Negeri di bawah pimpinan Menteri Besar Negeri Sembilan, YAB Dato' Seri Aminuddin Harun."

"Bukan nilai kenaikan RM50 tapi penghargaan yang lebih penting. Kenaikan ini satu ucapan terima kasih kepada Guru Takmir," kata Samsuri.

GURU KAFA: Kenaikan elauun meringankan beban sara hidup

Kenaikan elauun Guru KAFA daripada RM1,000 kepada RM1,150 sebulan meringankan beban kos sara hidup yang ditanggung oleh Guru-guru KAFA di Negeri Sembilan.



Encik Muhammad Zulhazim Zulkapli, 29, yang mengajar di Sekolah Agama Rakyat Masjid Sikamat berkata, kenaikan RM50 sebulan oleh Kerajaan Negeri Sembilan nampak seperti tidak banyak tetapi ianya penambahan RM600 untuk setahun.

"Walaupun jumlahnya tidak banyak tetapi ianya sedikit sebanyak meringankan beban dan masalah kos sara hidup yang ditanggung oleh Guru KAFA."

"Walaupun sedikit tetapi itu satu tanda penghargaan kepada Guru KAFA."

"Baru-baru ini Perdana Menteri, YAB Dato' Seri Anwar Ibrahim juga mengumumkan kenaikan elauun Guru KAFA sebanyak RM100 sebulan."

"Kedua-dua kenaikan ini dapat membantu menampung perbelanjaan Guru KAFA dalam keadaan ekonomi yang mencabar sekarang ini."

"Jutaan terima kasih kepada Kerajaan Negeri Sembilan dan Kerajaan Persekutuan di atas bantuan yang diberikan," jelas Muhammad Zulhazim.

Kerajaan Negeri ambil berat kebajikan Guru KAFA

Kebajikan Guru-guru KAFA sentiasa diambil berat oleh Kerajaan Negeri Sembilan.

Cik Siti Nur Fikrah Mohd Jasri, 26, Guru KAFA di Sekolah Kebangsaan Dato' Ahmad Manaf, Nilai sejak enam tahun lepas berkata, kenaikan elauan Guru KAFA sedikit sebanyak dapat menampung kos sara hidup yang semakin tinggi.

"Saya mengajar sejak tahun 2018 dengan elauan bulanan RM1,000.

"Di atas inisiatif Menteri Besar, YAB Dato' Seri Aminuddin

Harun elauan kami dinaikkan kepada RM50 sebulan menjadikan jumlah elauan RM1,050 sebulan.

"Kenaikan elauan ini membantu kami untuk jalani kehidupan yang lebih lancar tanpa perlu memikirkan soal elauan yang agak rendah dengan kenaikan kos sara hidup," jelas Nur Fikrah.

Nur Fikrah merakamkan penghargaan kepada Dato' Seri Aminuddin dan Pengarah Jabatan Hal Ehwal Agama Islam Negeri Sembilan, Dato' Mohd Zaidi Ramli kerana be-

gitu proaktif mengambil berat tentang kebajikan Guru KAFA.



Siti Nur Fikrah Mohd Jasri

"Dato' Seri Aminuddin dan Dato' Mohd Zaidi cakna tentang kehidupan kami dan

pembangunan Guru KAFA di Negeri Sembilan.

"Terima kasih juga kepada Jabatan Kemajuan Islam Malaysia (Kerajaan Pusat) di atas inisiatif kenaikan elauan Guru KAFA RM100 sebulan menjadikan jumlah elauan kami RM1,150 sebulan.

"Kami berharap pihak berwajib terus laksana langkah-langkah proaktif demi membantu golongan pendidik yang membantu mendidik tunas-tunas Islam di Malaysia," ujar Nur Fikrah lagi.

Keluh kesah Guru KAFA dapat perhatian Kerajaan Negeri



Norqayimah Misdani

SEREMBAN: Guru KAFA dari Sekolah Kebangsaan Seri Klana, Seremban, Puan Norqayimah Misdani, 40, berzahirkan rasa syukur di atas kenaikan elauan daripada RM1,000 kepada RM1,050 sejak tahun 2019.

"Saya mengajar sejak tahun 2015 dengan elauan RM1,000 sebulan.

"Alhamdulillah dalam Belanjawan 2019, Menteri Besar Negeri Sembilan, YAB Dato' Seri Aminuddin Harun mengumumkan kenaikan elauan Guru KAFA kepada RM1,050 sebulan.

"Baru-baru ini Jabatan Kemajuan Islam Malaysia (Kerajaan Persekutuan) pula menaikkan elauan RM100 sebulan. Saya bersyukur kini elauan Guru KAFA adalah RM1,150 sebulan," ulas Norqayimah.

Norqayimah berkata, beliau bersyukur dalam keadaan peningkatan kos sara hidup, kebajikan Guru KAFA mendapat perhatian Kerajaan Negeri Sembilan sejak tahun 2019.

"Saya sangat hargai dan bersyukur di atas kenaikan elauan ini.

"Terima kasih kepada Jabatan Hal Ehwal Agama Islam Negeri Sembilan dan Menteri Besar Negeri Sembilan kerana beri perhatian kepada keluh kesah Guru KAFA Negeri Sembilan," kata Norqayimah.

Nak tahu **apa yang terkini dan best** tentang Negeri Sembilan?

LAYARI PORTAL NEGERI KITA

www.negerikita.org



INSTITUSI MASJID



BILAL

- Kenaikan kepada RM500/bulan
- Manfaat kepada 314 orang

SIAK

- Kenaikan kepada RM450/bulan
- Manfaat kepada 316 orang


PEMBANTU AM WANITA

- Kenaikan kepada RM400/bulan
- Manfaat kepada 305 orang



EKONOMI

- Peruntukan RM500,000
- Melahirkan 102 usahawan Kotej Halal



INISIATIF KERAJAAN NEGERI SEMBILAN MEMARTABATKAN AGAMA ISLAM



INFRASTRUKTUR

PAID KUALA PILAH

- Bangunan baru RM5.3 juta
- Siap sepenuhnya Disember 2022

PAID PORT DICKSON

- Bangunan baru RM6 juta
- Dalam pembinaan



INOVASI



APPS LIVE DATA

- Aplikasi pintar Live Data kehadiran Jemaah ke Masjid



TREVIS

- Penggunaan peralatan TREVIS untuk memudahkan proses sembelihan.



PENDIDIKAN



- Kenaikan kepada RM1,050/bulan
- Manfaat kepada 2125 orang



- Kenaikan kepada RM950/bulan
- Manfaat kepada 289 orang



- Bagunan baru sekolah RM13 Juta
- Menaik taraf Koperasi Maahad Ahmadi



- Elaun pelajar RM200/bulan
- Biasiswa penuh oleh MAINS



- Elaun RM1,000/bulan
- Golongan Tahfiz yang layak



DAKWAH



ZIARAH

- 6,000 keluarga telah disantuni



BAS BERGERAK

- Bas bergerak baharu dilengkapi dengan TV LCD dan WIFI

Siti Aishah anjur Kursus Menjahit Beg Kisslock

GEMAS: Pejabat Penyelaras DUN Gemas dan Power House Wanita Gemilang (PH GEM) telah mengadakan Kursus Menjahit Beg Kisslock yang merupakan program inisiatif Kerajaan Negeri Sembilan.

Program ini dirasmikan oleh Ahli Dewan Undangan Negeri (ADUN) Seremban Jaya, YB Gunasekaran.

Penyelaras DUN Gemas, Puan Siti Aishah Seman@Othman berkata, golongan wanita daripada pelbagai peringkat umur menyertai program ini untuk menimba ilmu.

"Peserta boleh menjana pendapatan dengan menjadikan beg tersebut sebagai bahan jualan cenderahati."

"Terima kasih kepada Exco Hal Ehwal Wanita dan Kebajikan, YB Nicole Tan Lee Koon yang memperkenalkan program ini."

"Program ini adalah secara percuma, bahan dan peralatan juga disediakan oleh tenaga pengajar dan 30 peserta yang menyertai kursus ini tidak dikenakan sebarang bayaran," kata Siti Aishah.



Tiga individu kurang kemampuan terima sumbangan kewangan daripada Ravi



SRI TANJUNG: Penyelaras DUN Sri Tanjung, YB Dato' M.Ravi telah memberikan sumbangan kewangan kepada tiga orang individu yang memerlukan di Kampung Paya.

Ravi berkata, sumbangan barang dapur turut diserahkan kepada mereka.

"Sumbangan ini bertujuan membantu meringankan beban mereka," kata Ravi.

SK Kg Baru Si Rusa terima RM2,000 daripada Nasir

BAGAN PINANG: Penyelaras DUN Bagan Pinang, Tuan Nasir Raman telah memberikan sumbangan kewangan sebanyak RM2,000 kepada Sekolah Kebangsaan Kampung Baru Si Rusa.

Nasir berkata, sumbangan tersebut bagi membantu pihak sekolah mengadakan aktiviti pelajar.

"Semoga sumbangan ini dapat membantu merin-

gankan beban pihak sekolah dalam usaha mendidik para pelajar di sekolah itu."

"Sumbangan diberikan kepada Guru Besar Sekolah Kebangsaan Kampung Baru Si Rusa, Encik Mustazar Shapiai," kata Nasir.



Tujuh projek jalanraya baharu di Negeri Sembilan

SEREMBAN: Kementerian Kerja Raya bakal membina tujuh jalanraya alternatif yang baharu di Negeri Sembilan.

Menteri Kerja Raya, YB Dato' Seri Alexander Nanta Linggi berkata, jalanraya yang akan dibina adalah seperti berikut:

1. Lebuhraya Pantai Barat (WCE) Jajaran Selatan yang melibatkan Port Dickson.
2. Jalan Baharu Broga - Simpang Pelangi.
3. Lebuhraya SKLIA (Senawang ke KLIA - Salak Tinggi).
4. Jalan bertingkat menghubungkan Paroi (LEKAS) ke Tol Senawang (PLUS).

"Beberapa projek lain di peringkat akhir cadangan yang menghubungkan beberapa bandar di dalam Negeri Sembilan antaranya;

1. Jalan Baharu Persimpangan Ulu Klawang - Kampung Sungai Daun (FT86).
2. Jalan Pintas Kuala Pilah.
3. Jalan Lingkaran Luar Seremban (Outer Ring).

Alexander Nanta berkata demikian bagi menjawab soalan yang dikemukakan oleh Ahli Parlimen Port Dickson, YAB Dato' Seri Aminuddin Harun di Dewan Rakyat.



Pesakit jantung terima katil boleh laras daripada Ismail



LABU: Ahli Dewan Undangan Negeri (ADUN) Labu, YB Dato' Ismail Ahmad telah memberikan sumbangan katil boleh laras kepada Encik Isa di Kampung Lambar.

Ismail berkata, Encik Isa baru sahaja selesai melakukan pembedahan jantung dan beliau turut kehilangan penglihatan.

"Oleh itu, sumbangan ini diberikan bagi meringankan beban beliau," kata Ismail.

Rusli peka permasalahan penduduk Linggi

LINGGI: Penyelaras DUN Linggi, Tuan Rusli Abdullah telah turun padang bagi menyentuh penduduk di Kampung Pengkalan Durian dan Kampung Tampin Linggi.

Rusli berkata, lawatan tersebut diadakan kerana terdapat aduan yang melibatkan kemudahan infrastruktur di Kampung Pengkalan Durian yang tidak berfungsi.

Rusli turut menziarahi sebuah keluarga yang tinggal

di rumah yang daif yang perlu dibaik pulih di Kampung Tampin Linggi.

"Saya telah memberikan sumbangan barang keperluan asas kepada semua keluarga yang diziarahi."

"Saya akan membawa segala permasalahan ini kepada pihak berwajib untuk diselesaikan," kata Rusli.



Sukan Anak Bola DUN Lenggeng galak semangat kejiranan

LENGGENG: Pusat Khidmat Rakyat DUN Lenggeng telah menganjurkan Sukan Anak Bola di Padang Bola Sepak Taman Panchor Jaya.

Ahli Dewan Undangan Negeri (ADUN) Lenggeng, YB Ustaz Suhaimi Kassim berkata, kejohanan ini diadakan julung kali dengan kerjasama Kawasan Rukun Tetangga (KRT).

"Visi dan misi pertandingan ini amat jelas untuk menyatukan semangat kejiranan serta penglibatan ibu bapa terhadap anak-anak dalam apa sahaja aktiviti sukan.

"Penglibatan bersama KRT amat penting bagi mengekalkan visi dan misi pertandingan untuk menyatukan semua masyarakat di bawah DUN Lenggeng, tanpa mengira bangsa dan agama," ujarnya.

Pasukan BOLA KG FC muncul juara kategori Bawah 12 tahun dan membawa pulang hadiah wang tunai RM500. Manakala pasukan BAROOQAH FC menjadi johan kategori Bawah 9 tahun yang juga memenangi hadiah wang tunai RM500.



Program Berkhatan Perdana Bersama Penyelaras Dun Pertang



PERTANG: Pejabat Penyelaras DUN Pertang telah mengadakan Program Berkhatan Perdana di Hospital Jelebu dengan kerjasama Hospital Jelebu dan NGO PERKASIH.

Penyelaras DUN Pertang, Tuan Zainal Fikri Abd Kadir berkata, seramai 12 kanak-kanak dari keluarga kurang berkemampuan di DUN Pertang telah dipilih untuk menyertai program berkhatan ini.

"Berkhatan ini adalah ibadah wajib bagi setiap umat Islam sama ada lelaki maupun wanita."

"Ini kerana ia sejajar dengan sunnah

Rasullah SAW, selain itu ia juga sangat menepati kehendak perubatan yang sememangnya memelihara kesihatan umat Islam daripada sebarang penyakit kelamin dan seumpamanya.

"Semoga usaha baik ini diteruskan dan dipermudahkan urusan," katanya.

Zainal Fikri berkata, kos berkhatan untuk 12 kanak-kanak ini ditanggung sepenuhnya oleh beliau.

Turut hadir, Pengarah Hospital Jelebu, Dr.Nor Azizah Abd Samad dan Pengerusi NGO PERKASIH, Puan Norfadilah Binti Mansor.

Warga emas uzur terima sumbangan kewangan daripada Latif

GEMCHEH: Penyelaras DUN Gemcheh, Tuan Abd Latif A.Tambi telah memberikan sumbangan kewangan kepada Puan Esah Nanti di Kampung Tengah.

Abd Latif berkata, Puan Esah kini di bawah jagaan anaknya kerana keadaan kesihatan beliau yang semakin berkurangan.

"Oleh itu sumbangan ini diberikan bagi membantu meringankan beban beliau dan anaknya."

"Saya turut memberikan tilam, bantal dan tongkat untuk memudahkan urusan harian beliau."

"Saya mendoakan agar urusan beliau sentiasa dipermudahkan," kata Abd Latif.



Jambatan Bukit Pelanduk – Sungai Pelek: Impak positif ekonomi dan pelancongan

SEREMBAN: Pembinaan jambatan bahu-mulu menghubungkan Bukit Pelanduk, Port Dickson dan Sungai Pelek, Sepang dilihat mampu meningkatkan pertumbuhan ekonomi dan pelancongan bagi kedua-dua negeri terutamanya di kawasan sempadan tersebut.

Menteri Besar Negeri Sembilan, YAB Dato' Seri Aminuddin Harun berkata, apabila jambatan ini siap dibina, kawasan pelancongan Port Dickson dan Bagan Lalang akan bertambah pesat.

"Projek ini akan memberi impak positif kepada pertumbuhan ekonomi dan pelancongan di Port Dickson, lebih-lebih lagi apabila projek Lebuhraya Pantai Barat (WCE) Jajaran Selatan yang akan menghubungkan Banting ke Port Dickson dan Melaka siap nanti."

"Pembinaan jambatan tersebut juga boleh memendekkan jarak perjalanan daripada Port Dickson ke Klang yang pastinya akan mengurangkan kesesakan lalu lintas di laluan sedia ada

seperti Lebuhraya Seremban – Kuala Lumpur dan Lebuhraya KLIA," ujarnya.

Dalam Belanjawan 2023 yang dibentangkan hari Jumaat; Perdana Menteri, YAB Dato' Seri Anwar Ibrahim mengumumkan peruntukan berjumlah RM160 juta bagi membina sebuah jambatan yang menghubungkan Bukit Pelanduk, Port Dickson dan Sungai Pelek, Sepang.

Pesakit strok terima katil boleh laras daripada Rahman



SERTING: Penyelaras DUN Serting, Tuan Abd Rahman Ramli telah memberikan sumbangan katil boleh laras kepada Encik Md Din Abd Rahman di Felda Raja Alias 4.

Abd Rahman berkata, Encik Md Din mengidap strok dan menyebabkan anggota badan sebelah kiri beliau

lumpuh.

"Beliau kini hanya terlantar di atas katil sahaja.

"Oleh sebab itu, sumbangan ini diberikan bagi membantu memudahkan urusan beliau," kata Abd Rahman.

Medan Selera Taman Seremban Jaya akan beroperasi tidak lama lagi

SEREMBAN JAYA: Ahli Dewan Undangan Negeri (ADUN) Seremban Jaya, YB P.Gunasekaren berkata, Medan Selera Taman Seremban Jaya yang terbengkalai sebelum ini telah dibaik pulih.

"Medan Selera dengan 16 unit gerai ini akan beroperasi tidak lama lagi," ujar Gunasekaren selepas menyantuni para peniaga Pasar Awam Taman Seremban Jaya.

Sementara itu Gunasekaren berkata, lawatan ini bagi mendapatkan persetujuan dan menerima cadangan bagi kerja-kerja menyelenggara dan menambah baik

segala isu berbangkit di pasar awam tersebut.

"Selain isu kemudahan infrastruktur di pasar ini, isu pokok mati dan pemangkasan rimbunan pokok di padang awam turut diambil maklum.

"Segala aduan dan cadangan akan dipanjangkan kepada Majis Bandaraya Seremban (MBS) untuk perhatian dan tindakan susulan," kata Gunasekaren," kata Gunasekaren.

Turut hadir dalam lawatan ini, Ahli MBS, Puan Jamilah Said Ali dan Penolong Ahli MBS, Encik Minnal.



Jamilah mewakili Gunasekaren melawat Medan Selera Taman Seremban Jaya.

Hospital Jelebu bakal dinaik taraf

SEREMBAN: Menteri Besar Negeri Sembilan, YAB Dato' Seri Aminuddin Harun berkata, Hospital Jelebu akan dinaik taraf di bawah peruntukan Belanjawan 2023 Kerajaan Persekutuan.

"Kerajaan Negeri yakin bahawa penambahbaikan ini mampu memberi manfaat

secara terus kepada penduduk di sekitar Jelebu di samping mengurangkan kesesakan di Hospital Tuanku Jaafar, Seremban.

"Terima kasih kepada Perdana Menteri, YAB Dato' Seri Anwar Ibrahim di atas inisiatif ini," kata Aminuddin.



Bakri sumbang RM5,000 SMKDUMA



KLAWANG: Ahli Dewan Undangan Negeri (ADUN) Klawang, YB Dato' Ir.Bakri Sawir telah merasmikan Laman Minda Sihat Sekolah Menengah Kebangsaan Dato' Undang Musa Al Haj (SMKDUMA) Kuala Klawang.

Bakri berkata, Laman Minda Sihat ini dibina bertujuan bagi kemudahan pelajar beriadah meluangkan masa menjalankan pelbagai aktiviti sihat dan pada masa yg sama dapat mengurangkan tekanan emosi pelajar.

"Terdapat sudut permainan, bacaan dan kolam air pancut yang menyegarkan suasana.

"Saya berharap agar guru-guru dan pelajar dapat memberi fokus di dalam urusan kehidupan dan akhirat.

"Terdapat tujuh amalan baik oleh Pendidik Amerika Syarikat iaitu Stephen Covey yang salah satunya 'begins with the end in mind' yang mana maksudnya kita hendaklah merancang ke hadapan apa yang ingin kita capai dengan membuat persediaan dari pada sekarang," jelas Bakri.

Bakri menyumbang RM5,000 bagi tujuan membina Laman Minda Sihat.

MPKK disaran beri khidmat terbaik kepada masyarakat kampung

SUNGAI LUI: Majlis Pengurusan Komuniti Kampung (MPKK) disaran memberikan perkhidmatan terbaik kepada masyarakat kampung setempat.

Penyelaras DUN Sungai Lui, Tuan Saiful Bahri Jaaman berkata, sekiranya berbangkit sebarang permasalahan setempat, pihak MPKK boleh berjumpa dengan beliau bagi mencari jalan penyelesaian.

"Pelbagai perkara telah dibincangkan serta beberapa

permasalahan kampung telah dimaklumkan dan diadukan kepada saya di dalam mesyuarat bersama MPKK Felda Sungai Lui.

"Turut terlibat dalam mesyuarat ini pengurusan Felda, masjid dan pihak polis.

"Saya mengambil maklum perkara-perkara yang telah dibangkitkan dan saya akan mengusulkan perkara ini di Mesyuarat Jawatankuasa Bertindak Pejabat Daerah Jempol," kata Saiful Bahri.



Penjawat awam Negeri Sembilan dihargai Kerajaan Negeri

SEREMBAN: Kerajaan Negeri Sembilan sentiasa menghargai dan memudahkan urusan kerja warga perkhidmatan awam di negeri ini.

Menteri Besar Negeri Sembilan, YAB Dato' Seri Aminuddin Harun berkata, keadaan dunia hari ini amat tidak menentu, dipenuhi cabaran dan menuntut penjawat awam menjalankan amanah dengan efisien.

"Antara cabaran yang akan dihadapi oleh perkhidmatan awam termasuklah isu ketidakstabilan ekonomi global, penduduk menua (ageing society), pularan wabak pandemik, perubahan demografi, ancaman perubahan iklim, dan sebagainya.

"Justeru, penjawat awam di Negeri Sembilan bukan sahaja perlu cemerlang tetapi bersiap siaga dengan ketahanan diri secara pemikiran, sikap dan emosi bagi berhadapan dengan ketidaktentuan ini agar manfaat kepada rakyat dapat diteruskan," katanya.

Aminuddin berkata, sebagai respons kepada keadaan ini, sejak tahun 2018 Kerajaan Negeri telah menghargai penjawat awam di Negeri Sembilan melalui Bantuan Khas Kewangan (BKK), pembinaan Rumah Penjawat Awam, skim pinjaman pembelian kenderaan dan komputer tanpa faedah serta penyediaan van kaunter kutipan cukai bergerak bagi memudahkan masyarakat terutama di kawasan luar bandar dapat berhubung dengan penjawat awam.



Sejak mengambil alih tumpukan pemerintahan pada tahun 2018, Kerajaan Negeri tidak lupa menghargai penjawat awam melalui Bantuan Khas Kewangan (BKK) seperti berikut :

- i. Belanjawan 2019 – sebulan gaji atau minimum dua ribu ringgit (RM2,000);
- ii. Belanjawan 2020 – juga sebulan gaji atau minimum dua ribu ringgit (RM2,000);
- iii. Belanjawan 2021 dan 2022 – setengah

bulan gaji atau minimum seribu ringgit (RM1,000);

iv. Belanjawan 2023 – satu bulan setengah gaji atau minimum dua ribu lima ratus ringgit (RM2,500).

Aminuddin berkata demikian di Majlis Anugerah Perkhidmatan Cemerlang Pentadbiran Kerajaan Negeri Sembilan Tahun 2022 di D'Tempat Country Club, Bandar Seri Sendayan.

Tebing runtuh akan dibaik pulih: RAFIE

AMPANGAN: Masalah tebing runtuh di Taman Bukti Setia telah mendapat perhatian Ahli Dewan Undangan Negeri (ADUN) Ampangan, YB Dato' Dr.Mohamad Rafie Ab Malek

Mohamad Rafie berkata, tebing tersebut terhakis dan boleh membahayakan kedudukan beberapa buah rumah berdekatan.

"Walaubagaimanapun, kerja baik pulih telah dijalankan dan berharap agar ia dapat mengukuhkan kembali tebing sungai tersebut. Seterusnya dapat menjamin keselamatan penduduk di sini."

"Kerja pemulihan ini dijangka akan memakan masa selama dua bulan dan melibatkan perbelanjaan sebanyak RM140,550," kata Mohamad Rafie.



Pelajar Maahad Ahmadi tidak sabar merasai kemudahan bangunan baharu



Apabila bangunan baharu Maahad Ahmadi di Gemencheh siap pada April 2024; ianya diharapkan mampu melonjakkan prestasi kecemerlangan pelajar dalam bidang akademik di sekolah tersebut.

Pengetua Maahad Ahmadi, Encik Zahari Minan berkata, sebelum ini pelajar Sijil Tinggi Agama Malaysia (STAM) di sekolah ini mencatatkan 37 peratus pencapaian Mumtaz.

"Apabila bangunan baharu siap dengan kemudahan asrama lelaki, asrama perempuan, dewan makan dan surau, saya mengharapkan peratusan pelajar yang mencapai Mumtaz meningkat kepada 50 peratus.

"Saya percaya dengan kemudahan asrama yang jauh lebih baik dan selesa, ia akan meningkatkan mental dan moral pelajar untuk cemerlang dalam pendidikan dan peperiksaan," ujar beliau.

Bangunan baharu dibina dengan kos RM13 juta

Zahari berkata beliau sangat terharu apabila Menteri Besar Negeri Sembilan, YAB Dato' Seri Aminuddin Harun mengumumkan peruntukan sebanyak RM13 juta bagi meroboh dan membina bangunan baharu Maahad Ahmadi.

"Semua pelajar daripada Tingkatan 1 hingga Tingkatan 6 terharu dan teruja dengan pengumuman Dato' Seri Aminuddin.

"Saya ingin mengucapkan ribuan terima kasih kepada kepimpinan Kerajaan Negeri Sembilan yang diterajui oleh Dato' Seri Aminuddin yang begitu peka dan prihatin dengan keperluan pelajar di sekolah ini," jelas Zahari. ia dengan pengumuman Dato' Seri Aminuddin.

"Pelajar tidak sabar untuk tinggal di asrama baharu nanti. Malah semua warga Maahad Ahmadi termasuk pelajar, guru dan ibu bapa juga teruja menanti bangunan baharu.



Zahari Minan menunjukkan sebahagian daripada bangunan sedia ada yang telah dinaik taraf dengan kemudahan pendingin hawa.

"Pelajar tidak sabar untuk tinggal di asrama baharu nanti. Malah semua warga Maahad Ahmadi termasuk pelajar, guru dan ibu bapa juga teruja menanti bangunan baharu.

"Saya ingin mengucapkan ribuan terima kasih kepada kepimpinan Kerajaan Negeri Sembilan yang diterajui oleh Dato' Seri Aminuddin yang begitu peka dan prihatin dengan keperluan pelajar di sekolah ini," jelas Zahari.



KHIDMAT BAKTI TERBAIK DEMI RAKYAT

Bersih • Muafakat • Sejahtera



Terasa dihargai dan diangkat: PENGGALI KUBUR



Norazam Ahmad

SEREMBAN: Penggali kubur menzahirkan rasa dihargai dan diangkat apabila Menteri Besar Negeri Sembilan, YAB Dato' Seri Aminuddin Harun memperkenalkan insentif one-off penggali kubur sebanyak RM1,000 dalam pembentangan Bajet 2023.

Encik Norazam Ahmad yang bertugas sebagai penggali kubur di Masjid Lenggeng berkata, selama ini tidak pernah ada inisiatif sebegini diberikan kepada penggali kubur.

"Selama ini kami sebagai penggali kubur terasa seperti diabaikan dan ha-

nya dipanggil apabila ada keperluan.

"Oleh itu, insentif yang diberikan oleh Dato' Seri Aminuddin ini sangat bermakna buat saya.

"Ribuan terima kasih diucapkan kepada beliau kerana memberikan perhatian kepada kami," kata Norazam yang berkhidmat sebagai penggali kubur selama 15 tahun.

Manakala, Encik Ali Manan menyifatkan pengumuman insentif RM1,000 ini sebagai satu peristiwa bersejarah.

Pembantu Am Wanita turut terima kenaikan elaun

SEREMBAN: Apabila Kerajaan Pakatan Harapan mengambil alih Negeri Sembilan pada Pilihan Raya Umum-14 yang lalu, Menteri Besar, YAB Dato' Seri Aminuddin Harun telah mengumumkan kenaikan elaun bagi Pembantu Am Wanita dalam Belanjawan Negeri Sembilan 2019.



Fauziah Md Janin

Puan Fauziah Md Janin, 68, berkhidmat sebagai Pembantu Am Wanita di Masjid Paroi Jaya selama 12 tahun.

"Pada mulanya elaun yang diberikan adalah sebanyak RM150.

"Beliau (Menteri Besar) telah menaikkan elaun kepada RM400 sebulan pada tahun 2019.

'Pengurusan Masjid Paroi Jaya juga memberikan elaun RM250 setiap bulan.

"Terima kasih kepada Dato' Seri Aminuddin dan pihak masjid di atas kenaikan elaun ini," kata beliau.



Nur Esah Zainal

Manakala, Puan Nur Esah Zainal, 55, dari Masjid Imam Haji Kahar, Kompleks Pusat Islam Rantau juga mengucapkan ribuan terima kasih kepada Aminuddin di atas kenaikan elaun tersebut.

Lapan keluarga kurang kemampuan terima sumbangan makanan

SENALING: Penyelaras DUN Senaling, Tuan Mohd Razali Abd Latif telah memberikan sumbangan bakul makanan kepada lapan keluarga kurang berkemampuan di Felda Kepis.

Mohd Razali berkata, sumbangan tersebut bagi membantu meringankan beban

mereka.

"Sumbangan telah diserahkan kepada wakil blok untuk diserahkan kepada mereka," kata Mohd Razali.



15 buah masjid baharu untuk Negeri Sembilan

SEREMBAN: Sebanyak 15 buah masjid baharu sedang dan akan dibina di Negeri Sembilan pada tahun ini.

Menteri Besar Negeri Sembilan, YAB Dato' Seri Aminuddin Harun berkata, pembinaan masjid ini adalah hasil daripada kesedaran Kerajaan Negeri tentang kepentingan pembangunan yang baik dan efisien buat rakyat Negeri Sembilan.

"Terdapat enam buah masjid yang dibina dengan peruntukan Kerajaan Negeri berjumlah RM41 juta.

"Pada masa sama, empat buah masjid lagi dibina menggunakan peruntukan Kerajaan Persekutuan yang berjumlah RM23.5 juta.

"Dengan wujudnya masjid ini dapat membolehkan umat Islam di Negeri Sembilan beribadah dengan lebih sele-sa.

"Besarlah harapan saya agar pembinaan ini dapat menyebarkan syiar Islam di samping mengukuhkan pegangan Ahli Sunnah Wal Jamaah di negeri ini, In-sya Allah," kata Aminuddin.

10 buah masjid tersebut adalah Masjid Warisan Puteri, Masjid Forest Heights, Masjid Taman Senangin, Masjid Bandar

Seremban Selatan, Masjid Nilai Impian, Masjid Seremban 3 dan Masjid Bukit Kepayang di Daerah Seremban; Masjid Kariah Seri Kendong (Rembau), Masjid Rahmania (Jempol) dan Masjid Keranggai (Jelebu).



Anwar lulus peruntukan RM31.8 juta, bina lima masjid di Negeri Sembilan

Sementara itu Perdana Menteri, YAB Dato' Seri Anwar Ibrahim turut melulus-

kan peruntukan RM31.8 juta bagi pembinaan lima buah lagi masjid baharu di Negeri Sembilan.

Menteri Besar Negeri Sembilan, YAB Dato' Seri Aminuddin Harun berkata, lima buah masjid tersebut adalah; Masjid Terapung Port Dickson, Masjid Kariah Talang Tengah dan Masjid Tunku Munawir Seri Menanti di Kuala Pilah, Masjid Ulu Beranang (Seremban) serta Masjid Bongek (Rembau).

"Dalam pertemuan pertama saya bersama Perdana Menteri, saya memohon peruntukan bagi pembinaan lima buah masjid di Negeri Sembilan.

"Beliau bersetuju meluluskan peruntukan berjumlah RM31.8 juta bagi pembinaan lima masjid tersebut.

"Mewakili Kerajaan Negeri Sembilan, saya mengucapkan terima kasih kepada YAB Perdana Menteri di atas keprihatinan beliau.

"Semoga dengan pembinaan masjid-masjid ini, nur Islam terus bersinar di Negeri Sembilan," ujar Aminuddin.

